

3 YOHANES

Yohanes Ovoli Ɔlalɛde

^I Ovoli kɔ̃ to yĩ, asoli lɔto ɔnyane sekẽ. Ntsele ye mamena Gayo kɔ̃ maátunɔ kale, kɔ̃ mawe kale ne ɔnɔkɔali kame leme.

^{II} Yĩ ɔkɔba kɔ̃ maátunɔ nɔ kale, mabɔa mpaɛ kɔ̃ letsa nye letsa lele lekpa nɔ, kana akũ ɔsĩ leme. Mate kado kɔ̃ nɔ hũhũ leme deĩ kadeĩ wĩ.

^{III} Mmó kawɔle paa kɔ̃ boe bakɔba bate badone badi yabi yĩ ayekĩ opini ɔnɔkɔali kale a nde ayekĩ opi ke kɔkɔɛ a.

^{IV} Kɔ̃ nnu kɔ̃ yĩ babi dzi nkpã ne ɔnɔkɔali a onukpẽ a, mmó kawɔle paa.

Bate Badone a Mu Gayo.

^V Yĩ ɔkɔba kɔ̃ maátunɔ nɔ kale, adi ɔnɔkɔali paa ne adzuma a kɔ̃ akena a kame kakpa nɔ bakɔba bate badone, titiliwu banɔvɔẽ.

^{VI} Beyabɔa asoli bati a amanie ne ɔɔɔ a kɔ̃ odeĩ ɔkpa be a akũ. Make nɔ aduli kɔ̃ bumɔ be nde ayekĩ fɔtɛta ne Baguma adzuma kakena kame, lokɔa benaa lɔto ne be osi katsã kame.

^{VII} Kitonkĩ Kristo adzuma sũ bipi osi ade betáte kabumena kadima bitomena amamufɔ a sekẽ a.

^{VIII} Foesũ kene kɔ̃ bɔabumena bati kɔ̃ odu ayekĩ bóanye bɔtsa kɔ̃ bɔmó be flee bɔnye bakɔba ne adzuma kakena kame bokpa ɔnɔkɔali a.

Yohanes Le Kale Ne Diotrefo Mo Demetrio Akũ.

IX Ntsele ovoli lukũ mmena asoli bati a, leme Diotrefo kĩ ebɔe ye akũ nde loto ɔnyane aye, tábu yĩ edo ne letsama kame.

X Foesũ nte ñya ni, maavele mi adzuni nnamena letsa nye letsa kĩ ekena akũ. Maale fɔtsa kpa a kĩ yale ne boe akũ mo fɔvã a kĩ yama a! Nné foe odi. Esĩ kĩ yaáte Kristofɔ a kĩ bayaa ne awã a, ade yasua bikĩ bawe kĩ bate be a osi malo a. Yabɔa mbɔdi kĩ yablɔmena bati a ne asoli a kame.

XI Yĩ ɔkɔba kĩ maátunɔ nɔ kale, tatomɔ tɔkpa liti, mbom tomena fɔtsa wĩ liti. Odi nye odi kĩ yakena tuwĩ ni, Baguma ode yanɛ. Odi nye odi kĩ yakena tɔkpa ni, etámɔ Baguma eyi ɔsũ.

XII Odi nye odi abɔa Demetrio dĩ wĩ. Ye ɔbla ale kale wĩ ne ye akũ. Boe malo bɔadi adansie ne ye akũ, ade minyina kĩ letsa a kĩ bɔale a nye ɔnɔkɔali a.

Yohanes Kawõna Nkaɛ.

XIII Ndeĩ fɔletsa pii kĩ mawe kĩ mabi nɔ, leme nláakɔa fɔtsa katsɛle otse mo katsɛle mui ntsele foe.

XIV Leme mate kado kĩ owi leláabuna mo maamɔ nɔ, lɔkɔa bɔalɔmena ne foe akũ ane mo anɛ.

XV Lukudɔ lena mo nɔ.
Nɔ bakɔba flee ne awĩ awõna nɔ. Wõna boe bakɔba a ɔmɔa ɔmɔa ne awã kakpa boe.

Baguma Apam Vɔɛ a Tuwuli
Tuwuli: Baguma Apam Vɔɛ a Tuwuli New Testament
copyright © 2008 Wycliffe Bible Translators, Inc.

Language: (Tuwuli)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 28 Dec 2024 from source
files dated 29 Jan 2022

68df0193-2981-5275-8994-8f743fe01e5e